

ХАТТАМАСЫ № 8

Жезқазған қ.

21.02.2024

16 . 30

Облыстың Қоғамдық кеңесінің Ұлытау облысы басқармаларының 2023 жылы атқарылған жұмыс барыстары мен 2024 жылға қойған мақсаттарын тыңдауға арналған отырысы онлайн және офлайн форматта өтті. Отырысты облыстың қоғамдық кеңесінің төрағасы **Б. Бегенов** ашып, жүргізді.

Отырысқа кеңес мүшелері: **А. Ахмет, М. Сейдахметов, А. Әбжаппаров, А. Токишова, Д. Изтолеуов, М. А.Қайыпбеков, Мырзабекова М, Сейдахметов, М.Бейсенбаев, Д.Тусупбеков, А.Такибаев, М.Бекмаганбетов, М.Атамұрат, М.Шамбулов, В.Фомин , А.Мукеева, М.Маткенов, С.Оспанов, Н.Битенов, Д.Түлегенов,Т.Букуров, М.Оспанов, Ш.Хамзе; Рахметов А** қатысты.

Белгілі себеппен қатыспаған: **Е.Жунусов;**

Бегенов Б – Қайырлы күн әріпестер, мем.қызметкерлер. Жоспарға сай басқармалар басшыларын тыңдауды жалғастырайық. Бүгін есеп беретін:

- 1. Сапура Сейдуалиқызы Тулекова – білім беру басқармасының басшысы*
- 2. Ғалия Өмірзаққызы Түгелбаева – мәдениет, тілдерді дамыту және архив ісі басқармасы басшысының орынбасары.*
- 3. Дидар Мағауияұлы Мұтәліпов – дене шынықтыру және спорт басқармасының басшысы*

Тулекова С - Ұлытау облысы бойынша **58 416** баланы қамтитын **161** білім беру ұйымы жұмыс жасайды, оның ішінде **101** мектепке мектепке дейінгі ұйым (*11 411 тәрбиеленуші*), **88** мектеп (*40 646 оқушы*), **15** колледж (*6 359 студент*). ҚР Оқу-ағарту министрлігі мен Ұлытау облысының әкімдігі бірлесіп әзірлеген «Ұлытау облысының білім жүйесін дамытудың ЖОЛ КАРТАСЫ» шеңберінде бірқатар мәселелер шешілуде. **Проблемалық сұрақтар:** 2-6 жастағы балаларды МДҰ қамту көрсеткіші төмен -78,9%. Кезекте 3947 бала бар. 2 балабақшаға жөндеу жұмыстарын жоспарлауға қажеттілік бар; 21 балабақшаның МТБ жаңартуға қажеттілік бар; 120 маман жетіспеушілігі анықталып отыр. 7 балабақшада басшының бос орны ұзақ уақыт бойы сақталуда (*Сәтбаев-4, Жаңаарқа-2, Қаражал-1*) **Орта білім бойынша:** 88 жалпы білім беретін мектепте **40 646** оқушы білім алады. 326 оқушыны қамтитын «Зерделі» жекеменшік мектебі мемлекеттік тапсырыс алмайды. Оқыту **24** мектепте бір ауысымда, **64** мектепте екі ауысымда ұйымдастырылады. Облыс көлемінде үш ауысымды мектеп жоқ. 2024-2025 жылдары «**Жайлы мектеп**» ұлттық жобасының шеңберінде **3 600** оқушы орнын қамтитын **6** мектеп (*қалада – 3, ауылда - 3*) құрылысы, жергілікті бюджеттен **80** орындық **2** мектеп құрылысы (*Қаражал қаласы, Жаңаарқа ауданы Манадыр*

станциясы), жоспарланды. Қазіргі таңда Білім беру инфраструктурасын қолдау қорының есебінен Абай атындағы мамандандырылған мектеп-интернатына 200 орындық жатақхана құрылысы жүріп жатыр. 2023 жылы 1,2 млрд теңгеге 32 нысанда (439,5 млн-күрделі жөндеу, 845,3 млн ағымдық жөндеу) жөндеу жұмыстары жүргізілді, 438,4 млн теңгеге 45 пәндік кабинет сатып алынды.

ТОЛЫҚ БАЯНДАМА ТІРКЕЛГЕН.

Бегенов Б- рахмет. Сұрақтарға көшсек.

Мукеева А – кешегі балаларды құлдықта ұстағанына байланысты не толықтырасыз?

Тулекова С- Ол жағдайды толық зерттедік. Балалардың сабаққа бармаған уақытта арнайы құжаттар бар. Кәзір қамқорлыққа алған әйелге іс қозғалып қарастырып жатыр.

Мукеева А – былтыр балабақшаларда тегін тамақтандыратын категориялардан ақша талап еткен. Неге ?

Тулекова С – ондай жағдайлар болды, қаражат қайтарылып жатыр.

Мукеева А – «Жайлы» бағдарламасы бойынша Қабанбай батыр ықшам ауданында мектеп салу керектің. Әлі бой көтермеді.

Тулекова С- Мектепті салу қаражаты Самрук қазына мен Мердігерлердің қолында, сондықтан біз шешпейміз. Жер бөлінді, Өкіметтің назарында.

Мукеева А – Сәтбаев қаласындағы бір балабақшада ата-аналарға тәрбиешілер сыйлық сұратып мәжбүрлеп жатыр. Одан бөлек логопед балаларға ине тығып білгенін жасап жатыр. Видеокамерада барлығы көрсетілген. Дезинфекция жасағанда нормаға сай жасамай, ойыншықтарды жумайды. Қандай шара қолданасыздар?

Тулекова С- Ондай жағдайды бірінші рет естіп отырмын. Полицияға жүгіну керек.

Мукеева А – арнайы комиссия құрып Қоғамдық Кеңестің мүшелерін кіргізіп балабақшаларға мониторинг жүргізсек. Одан бөлек неге Қабанбай батырда балаларға бөлінген автобус мәселесі әлі де шешілмеген?

Тулекова С – жақсы комиссия құрамыз. Автобуска келсек Мердігермен жасалатын байқау созылып кетті.

Ахмет А – Сәтбаев қаласындағы № 7 мектепте спортзал жоқ. Соны қашан салады?

Тулекова С- Жоқ, биыл салынбайды. ПСД жасалған жоқ. Жер бөліп, орын тапқан соң ғана жасала бастайды.

Кайыпбеков А – Балалардың кітап, оқулықтарды оқуына қатты назар аудару керек. Бұл ұсынысым.

Шамбулов М- Қаражал, Жайремде балаларды тасымалдайтын көлік берген. Оларды сабаққа апармайды, тек қана Спартакиадалар өтсе ғана тасымалдайды. Жайремде №30, №10 мектептердің жөндеуі жоспарда бар ма?

Тулекова С – автобустың себебін білейін, ал мектептерге келсек, тек 2025 жылда ғана жасалады.

Фомин В - Вы говорите о программе «Старлинг», насколько я знаю, он еще не легализован в РК.

Тулекова С - Данная спутниковая система рекомендована Правительством страны и действует в пилотном режиме в Павлодарской области. Данное решение принято Министерством цифровизации и алгоритм будет выдан с их стороны.

Абжаппаров А – Мүмкіндігі шектеулі балаларға мектептерде жағдай жасалды ма, жоқ па ? Жасалса жекеме жіберіңіз. Рейд жасайық. Сосын пандустарды стандартқа сай жасаңыздар.

Рахметов А - Мектептердегі балалардың тамағы сын көтермейді. Соны қолға алсаңыздар.

Бегенов Б – жақсы Сапура ханым.

Түгелбаева Ғ - Ұлытау облысының мәдениет, тілдерді дамыту және архив ісі басқармасының мемлекеттік желісі 103 нысанды құрайды. Оның ішінде: 1 театр, 1 – филармония, 3 музей және 1 тарихи-мәдени мұраны сақтау орталығы, 1 - тілдерді дамытудың ресурстық орталығы, 56 - кітапхана, 40 клуб мекемелері мен кәсіпорындары, мәдениет үйлері. Штат саны – 1268.

Басқармада 4 бағыт бойынша мемлекеттік қызметтер көрсетіледі:

- 1) Мәдени құндылықтарды уақытша әкету құқығына куәлік беру;
- 2) Мемориалдық тақта орнату;
- 3) «Халықтық» (Үлгілі) атағын беру;
- 4) Архивтік анықтамалар, құжаттардың көшірмелерін растау арқылы беруді бақылау.

* Үшеуі комиссия шешімі, соңғысы мониторинг арқылы жүзеге асырылады.

Мәдениет, тілдерді дамыту және архив ісі басқармасы өз қызметінде басшылыққа алатын құжаттары:

Қазақстан Республикасы мәдени саясатының 2023-2029 жылдарға арналған тұжырымдамасын іске асыру;

«Қазақстан Республикасында тіл саясатын дамытудың 2023-2029 жылдарға арналған тұжырымдамасы» талаптарын насихаттау және жариялау;

2020-2025 жылдарға арналған «Архив-2025» жобасы бойынша Кешенді іс-шаралар жоспары.

2023 жылы «Ауыл-Ел бесігі» жобасы аясында Қарсақбай кенттік мәдениет үйі күрделі жөндеу үшін республикалық бюджеттен 111,1 млн жергілікті бюджеттен 12 млн 300 мың теңге бөлінді. Жалпы сомасы -123489331. (Ашық конкурс жарияланды 17.03.2023ж. Жеңімпазы «ЕңбекKZ» ЖШС Алматы қ.). Қазіргі уақытта күрделі жөндеу жұмысы жүргізілуде. (102 млн-ға ұтты)Қарсақбай клубының күрделі жөндеу жұмысы аяқталды. Сонымен қатар, «Ұлттық рухани жаңғыру» Ұлттық Жобасы және «Аманат» партиясының сайлауалды бағдарламасының орындау мақсатында 8 мәдени нысандарға ағымдағы жөндеу жұмыстары жүргізілді.

ТОЛЫҚ АҚПАРАТ ТІРКЕЛГЕН.

Бегенов Б – сұрақтарға көшейік.

Ахмет А - Жезқазған қаласының 70 жылдығына орай қандай іс-шаралар жоспарлануда.

Түгелбаева Ғ – Облыс тарапынан мұшайра ұйымдастырғымыз келеді. Қала тарапынан басқа толып жатқан іс-шаралар жоспарланған.

Мукеева А – «Лира» мәдениет үйінде қанша қызметкер бар? Оларға миллиондаған қаражат бөлінеді. Ал, көзге көрініп жатқан шаруа жоқ. Сол мекемеге барсақ қалай қарайсыз?

Түгелбаева Ғ- Штатта 4 қызметкер. Қалалық бюджетке қарайды. Біраз іс -шара өткізеді. Әрине баруға болады. Ұйымдастырайық.

Бегенов Б – неге Жошы -Хан кешеніне баратын туристтерге жағдай барынша жасалмаған? Мысалға,баратындар кассаға ақша төлеп, терминалға жағдай жоқ? Ол қаражат қайда кімге кетеді?

Түгелбаева Ғ- жалпы Жошы хан кешені Халықтар Достығы мен мәдениет үйінің балансында. Кәзір облысқа беру туралы Министрлікпен келіссөз жүргізіп жатырмыз.

Маткенов М -Қарсақпайдағы мәдениет үйінде жөндеу жүргізілген. Сол туралы толық ақпарат берсеңіз.

Түгелбаева Г – Біз бір -екі күнде барамыз, көріп айтамын.

Бегенов Б – рахмет. Келесі сөз Д.Мүтәліповта.

Мүтәліпов Д - Статистикалық деректерге сәйкес 2023 жылдың қорытындысы бойынша Ұлытау облысында 33,4%-ды немесе 74123 адамды құрады.

Слайд 2

Жоғарыда айтылған көрсеткіштерді орындау жолдары:

- Өңірде бар спорт инфрақұрылымдарды қалпына келтіру;
- Спорттық мекемелер ашу;
- Бұқаралық спортты дамыту;
- Жоғары жетістіктер спортың дамыту.

Слайд 3

Жоғарыда айтылған тұжырымдаманы іске асыру мақсатында жергілікті бюджеттен Ұлытау облысының дене шынықтыру және спорт басқармасына 2023 жылға 1 998 226 000 теңге бөлінді, атап айтқанда:

- дене шынықтыру және спорт саласындағы жергілікті деңгейде мемлекеттік саясатты іске асыру жөніндегі қызметтерге – 84 503 000;
- облыстық деңгейде спорттық жарыстар өткізуге – 0;
- түрлі спорт түрлері бойынша облыстық құрама командалардың мүшелерін дайындау, республикалық және халықаралық спорт жарыстарына қатысуға – 270 000 000;
- балалар мен жасөспірімдерге спорт бойынша қосымша білім беруге – 1 643 723 000.

2024 жылға келетін болсақ Ұлытау облысының дене шынықтыру және спорт басқармасына жергілікті бюджеттен 2 921 943 000 теңге бөлінді:

- дене шынықтыру және спорт саласындағы жергілікті деңгейде мемлекеттік саясатты іске асыру жөніндегі қызметтерге – 118 119 000;
- облыстық деңгейде спорттық жарыстар өткізуге – 20 000 000;
- түрлі спорт түрлері бойынша облыстық құрама командалардың мүшелерін дайындау, республикалық және халықаралық спорт жарыстарына қатысуға – 180 000 000;
- балалар мен жасөспірімдерге спорт бойынша қосымша білім беруге – 2 603 824 000.

ТОЛЫҚ АҚПАРАТ ТІРКЕЛГЕН.

Бегенов Б – Дидар мырза, неге басқа облыстарға қарағанда юізде қаражат аз бөлінген?

Мүтәліпов Д – біздің басты мақсатымыз Азия чемпионатына қатысып, спортсмендерді соған дайындау. Бар қаражатты жастардың дайындығына жаратып 2028 жылы чемпионатқа барып жетістіктерге жету.

Бегенов Б – жалпы 35 млн теңге өте аз қаражат.

Мүтәліпов Д – біз 3 млрд сұраттық, бергені 534 млн.

Бегенов Б – бізге хатпен шығып, біз өз тарапымыздан әкімдікке жазамыз, бюджетті нақтылау кезінде қосымша қаражат бөлсін деп.

Маткенов М -Қарсақпайдың спортсмендеріне жарыстарға баратын көлік бөлінді ма?

Мұталіпов Д- Жоқ.Осы бюджетті нақтылағанда сұраймын.

Шамбулов М – Жайремде қол күресі жақсы дамыған. Спортсмендердің, бапкерлердің Таразда болатын жарыстың қаражатын кім төлейді?

Мұталіпов Д – Ранжирование деген бар. Егер одан өтпесе, қаражат берілмейді.
Бегенов Б- Жақсы.

Бегенов Б – Сұрақтарыңыз болмаса отырысты аяқтайық.
Әріптестер! Баяндамашыларға жұмысына баға беруге кірісейік.


Кім қолдайды? - 25 Кім қарсы?- 0 Қалыс қалған? – 0

ШЕШІМ:

1. Баяндамашылардың 2023 жылы атқарылған жұмыстары қанағаттанарлық деп танылды.
2. Білім басқармасы арнайы комиссия құрып жоғырада айтылған проблемаларға байланысты комиссия құрып, оған ҚК мүшелерін кіргізіп, балабақшалардың дағдайын біліп қайтсын.
3. Мәдениет,тілдерді дамыту және архив ісі басқармасы «Лира» мәдениет үйі бойынша толық ақпарат берсін. Одан бөлек, Жошы- ханда терминал қоюға бар мүмкіндерді қарастырсын.
4. Спорт басқармасы қаражаттың сомасын ұлғайтуға байланысты хат жазсын.


Құрметті әріптестер! Отырыс аяқталды. . Келесі кездескенше.

**Ұлытау облысының Қоғамдық
Кенесінің төрағасы**



Б.Бегенов

Хатшы



С.Оңғарбаева